

Augsburg, 7. Mai 1570

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 5.

S. Ego verò gratiam tibi habeo, Clariss[ime] D[omine] Doctor, qui literis tuis quaesi fores mihi patefeceris amicitiae generosi adolescentis Hutteni, et egregij viri, Hugonis Plocij: quorum mihi consuetudo periucunda fuit. Legi et literas parentis tui ad eundem Huttenum, magna cum voluptate, cum propter elegantiam singularem, tum quòd satis declarant, constare illi inter senectutis et valetudinis incommoda, et mentis et sensuum integritatem et vigorem. Quare tales hospites saepius abs te mihi commendari vellem. D. Philippo et laureolam gratulor, et vobis omnibus omnia felicissima precor, meaqüe officia, si qua esse poterunt in hac tenuitate rerum mearum, offero prompta et parata. Vale. Augustae, Nonis Maij 1570.

Hiero[nymus] Wolfius
Tuus.